

ARLeF: BANT PAR COMPRÂ OPARIS IN LENGHE

A son a disposizion, in dut 28.000 euros. Domandis dentri dai 25 di Otubar

La ARLeF (Agenzie regjonâl pe lenghe furlane) e met **a disposizion**, cuntun bant di pueste, **28.000 euros par comprâ oparis di nivel cualitatif alt in lenghe furlane**. Tai detai: 15.000 euros a saran destinâts par comprâ publicazions pe infanzie, di un minim di 500 copiis a un massim di 2.000 copiis par titul; 6.000 euros par comprâ publicazions di caratar leterari (poesie, prose, dramaturgjie...), di un minim di 300 copiis a un massim di 2.000 copiis par titul; 4.000 euros par comprâ classics de leterature voltâts in lenghe furlane, di un minim di 300 copiis a un massim di 2.000 copiis par titul; 3.000 euros par comprâ publicazions di caratar sagjistic (di un minim di 50 copiis a un massim di 2.000 copiis par titul).

«Tra i criteris de selezion che e vignarà fate dal Comitât Tecnic Sientific de ARLeF – al marche il president de Agenzie, Lorenzo Fabbro – e je la necessarie coerence des oparis cu lis finalitâts che a son dentri tal Plan gjenerâl di politiche linguistiche pe lenghe furlane 2015-2019, fat bon tal mêis di Lui stât dal president de Zonte regjonâl».

Lis propuestis par comprâ (no plui di dôs par ognidun che lis propon) a puedin jessi presentadis di sogjets publics e di sogjets privâts (fondazions, associazions, ents cence fin di vuadagn, impresis e societâts).

Lis propuestis a àn di jessi presentadis o inviadis dome li de sede de ARLeF, a Udin (in vie Prefettura 13), dentri il **tiermin massim des oris 12.00 dai 25 di Otubar dal 2015**. Par nissun motif, al spieghe il bant, a vignaran cjapadis in considerazion domandis che a vessin di rivâ passât il tiermin dit parsore, ancje se spedidis intune date prime de scjadince.

Par vê informazions in plui: arlef@regione.fvg.it, www.arlef.it

Udin, al 1 di Otubar dal 2015

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<<<